

● Жолдауға қолдау

Арнайы стратегиялық жоба енгізілсе...

Мемлекет басшысы Қасым-Жомарт Кемелұлы Тоқаевтың 2021 жылғы 1 қыркүйектегі «Халық бірлігі және жүйелі реформалар – ел өркендеуінің берік негізі» атты Қазақстан халқына арнаған Жолдауын бүкіл ұжым болып талқыладық. Жолдауда аталып өткен 7 бағыт, 5 бастама қазақстандықтар үшін қай жағынан алып қарасақ та маңызы зор стратегиялық бастамалар. Әйтсе де, әскери маман ретінде әскери кафедраларға тікелей қатысы бар 2 бағытқа нақты тоқталғым келеді.

Денсаулық сақтау жүйесінің тиімділігін арттыруға байланысты айтарым, «ауру батпандап кіреді, мысқалдап шығады» дейді дана халқымыз. Шартапты шарлаған төжвирусы тәнімізге батпандап кіріп, бірер жыл бойы еліміздің аумағынан ары ұзап кете қоймады. Қасым-Жомарт Кемелұлы осы аурудың алдын алу және таралу ауқымын төжеу үшін жүйелі түрде жұмыс істеу керек екенін баса назарға алған болатын. Сонымен қатар, «Дені сау ұлт» жобасы бойынша кемінде 12 зертхананы жоғары технологиялық құралдармен жабдықтау керек екенін ескертіп өтті.


Пандемия медицина саласындағы осал тұстарымызды анық көрсетті. Сондықтан медицина саласына қомақты қаражат жұмсалып қана қоймай, білікті мамандарды даярлауға, дәрі-дәрмек дефицитін азайтуға бағытталуы керек деп санаймын. Себебі, біздегі дәрі-дәрмектің 17 пайызы ғана отандық өнім, қалғаны – импорттық препараттар. Сырт жақтан тасымалданатын дәрі-дәрмектердің көп болуы, біріншіден, отандық өндірісті регреске ұшыратады ері артық шығын. Сондықтан қаржының едәуір бөлігін ұлттық тенденциялық бағытқа қарай бұру – сауатты шешім деп санаймын. Биологиялық қауіпсіздіктің қамтамасыз етілуіне бірден-бір жол

бірізді, тиянақты ұлттық жүйенің болуы.

Денсаулықтың көпілі – дене шынықтыру. Қасым-Жомарт Кемелұлы Жолдаудың соңғы бөлігінде тән саулығына ерекше маңыз береді. Дана бабаларымыз: «Тәні саудың – жаны сау» деп бекер айтпаса керек-ті. Біздің кафедраларымызда арнайы спорттық іс-шаралар жоспарлы түрде өтіп тұрады, барлық санитарлық талаптар сақтала отырып, оқу жүйесі сауатты ұйымдастырылған.

Сапалы білім беруге келсек, қаңтар айынан бастап педагогика қызметкерлерінің айлығы 25 пайызға көтерілгені баршамызға мәлім. Бұл ынталандыру әдісі жас жеткіншіктер мен тәжірибелі ұстаздардың екінші тынысын ашқандай болды. Алайда, жоғары оқу орнын бітіріп, еңбек нарығына дайын маман болып шыққан соң құжаттарын сандық түбінде сарғайтып, басқа салаға ойысып кететін жастар да аз емес. Демек, бұл істің өзектілігі жоғары.

Онлайн кеңістіктегі білім сапасының сын көтермейтіндігі жасырын емес. Сол себепті коммуникациялық желілердің тиімділігін арттыру – білім алушының ынта-жігеріне және ақпаратты қабылдауына тікелей әсер етеді деген ойдамыз.



Жолдауда жыл сайын 50 мың түлек оқуға ақылы негізде түседі делінген. Олардың 85 пайызы – тұрмысы төмен отбасы балалары. Ал, қазір елдегі 6,5 миллионнан астам адамның жалдамалы жұмысшы болып жүргенін ескерсек, халықтың қалтасы ақылы оқуды көтере бәрмейтіні анық. Оның үстіне бүгінгідей қымбатшылық пен COVID-19 екі бүйірден қысып тұрған уақытта елге тіпті қиын. Сол себепті Президент атап өткендей, техникалық және кәсіби, яғни сұранысы жоғары болып тұрған барлық мамандықтар мемлекет тарапынан тегін қаржыландырылуы тиіс. Сондай-ақ, әскери қызметтегі сарбаздардың еңбек нарығында белсенді болуы үшін және әскери оқу орындарында студенттердің ғылыми-шығармашылық бағытта еркін іздене отырып, білім алуы үшін арнайы стратегиялық жоба енгізілсе құба-құп болар еді.

Ислам АХМЕТОВ,
М.Әуезов атындағы Оңтүстік
Қазақстан университеті әскери
кафедрасының оқытушысы,
запастағы подполковник.